

2006-mi amerlanerit sulipput

*Sulinerup annertussusia
2,6 pct.-mik qaffariatoq*

2006-mi sulinerup annertussusia tamakkiisoq 29.472-nik naleqarpoq. Tassa imaappoq, inuit taamatut amerlatigisut agguaqatigiisillugu ukiup ingerlanerani aalajaatsumik suliffeqarsimapput. Taamaalilluni sulinerup annertussusia 2005-mut sanilliullugu 756-nik annertuseriarpoq, tassami 2005-mi 28.716-iusimagami. Qaffariarneq pct.-inngorlugu 2,6-uvoq. Aammattaaq malugineqassaaq 2006-mi sulinerup annertussusia ukiuni 2002-miit 2006-mut aatsaat taama qaffasitsigimmat.

*Akissarsiat katinneri
6,7 pct.-inik qaffapput*

Sulisartut ukiumut minnerpaamik 40.000 koruuninik isertitallit akissarsiaasa katinneri 434 mio. koruuninik qaffapput, qaffariaallu pct.-inngorlugu 6,7-iulluni.

*Oqaatsip 'Sulisartut'
erseqqissarnera*

Saqqummersitami 'Beskæftigelsen 2006' atorneqarpoq oqaaseq *Sulisartut*. Sulisartut tassaatinneqarput inuit ukiumut minnerpaamik 40.000 koruuninik isertitallit, 15-niit 62-it tungaanut ukiullit, sumi inunnorsimaneq apeqqutaatinnagu. Sulisartut isertitaasa katinneri naatsorsorneqarput akileraarutaasussamik isertitat aammalu tunitsivinnut tunisineri isertitat aallaavigalugit. Naatsorsueqqissaarnermi periutsit atorneqartut saqqummersitap kapitali pingajuani sukumiinerusumik nassuiarneqarput.

Takussutissaq 1.

Sulisartut, piffissami 2000-miit 2005-mut, sulinerisa annertussusaat akissarsiaasalu katinnerat

	2002	2003	2004	2005	2006
Sulinerup annertussusaa	28.457	27.621	28.118	28.716	29.472
Akissarsiat katinneri mio. kr.-nngorlugit	6.002	6.031	6.358	6.510	6.944

Qaffariaat annerpaaq

Sulinerup annertussusaatigut naatsorsuineri qaffariaat annertunerpaaq pivoq 'Niuernermi iluarsaanermilu sullivinni', tassani 228-nik 2006-mi qaffariatoqarmat. Qaffariarneq pct.-inngorlugu 4,8-iuvoq. Taamaalilluni suliaqarfiit pingaarnerit katinnerini 17,0 pct.-imik suliaqarfusimavoq, ukiup siuliani 16,6 pct.-iusimasoq.

Appariarneq annerpaaq

Sulinerup annertussusaatigut naatsorsuineri appariaat annertunerpaaq pivoq 'Innaallagiq-, gassi-, kiassarneq imermillu pilersuineq', taanna 25-nik 2006-mi appariarfusimagami, pct.-inngorlugu 5,6-ulluni. Suliaqarfiit pingaarnerit katinnerini 1,4 pct.-imik suliaqarfusimavoq.

Kisitsisaateqarfik

Kisitsisit saqqummersitami 'Beskæftigelsen 2006' atorneqartunit sukumiinerusut kisitsisaateqarfimmi Naatsorsueqqissaartarfiup nittartagaaniittumi www.stat.gl-mi pissarsiarineqarsinnaapput. Kisitsisaateqarfimmi nammineeirlutit tabelilorsinnaavutit, taamaalillutillu nammineeirlutit tabelip isikkussaa aaliangersorsinnaallugu. Taamaattumik siunnersuutigerusupparput kisitsisaateqarfimmi pdf-fiileq "Kalallit Nunaanni Naatsorsoqqissaakkanik atuinissarni aallartilluarit!" misissuataaqullugu. Pdf-fiilimi tullerijaaqqissaartumik allaaserineqarpoq qanoq nammineq tabelinik sanasoqarsinnaanersoq.

...pdf-fiilinngorlugu Saqqummersitaq '*Beskæftigelsen 2006*' pdf-fiilinngorlugu Naatsorsueqqissaartarfiup nittartagaani *www.stat.gl*-imi aaneqarsinnaavoq imaluunniit Naatsorsueqqissaartarfimmut piniarneqarsinnaalluni.

*E-mailikkut
pisartagaqalerit* Kisitsisinik nutaanik Naatsorsueqqissaartarfiup saqqummersitaanik tusartinneqartarumaguit uannga nutaarsiassaqartinneqartalerit: iserfigiuk *www.stat.gl*. qinigassani saamerlermi toqqaruk "nutaarsiassat" tassanilu ilanngugit. Taava kisitsisinik nutaanik saqqummertoqaraangat e-mailikkut nalunaarfigineqartalissaatit.

Paasisaqarnerorusukkuit siunnersortaanermut Josef Kajangmat-mut oqarasuaat toqqaannartoq 36 23 67 atorlugu saaffiginnissinnaavutit. E-mail joka@stat.gl.

Ikinngutinnersumik inuulluaqqusillunga

Naatsorsueqqissaarnermi siunnersortaaneg
Josef Kajangmat